



Vjenčić - Венчик

Savez Rusina Republike Hrvatske
Союз Русинох Републики Горватской

BROJ
ЧИСЛО 99 | 4/2021

ISSN: 1331-2189



Ivana Bel

ОЗНОВА У ШКОЛИ

Початок школскога 2021./2022. року обрадовал петровских школьнаго, але и юх родичнох. Окрем тогож школьнаго рушели на наставу до школи, и того року од Министерства науки и образования достали учебнікі, од Городу Вуковару теки, а од Општини Богдановци роботни теки, збирки задаткох и мапи за подобову культуру, цо родичом велька помоц. Того року до 1. класи ПШ Петровци уписаны тройо школьнаго, котрим Општина Богдановци



Школье 1. класи: Магдалена Барна, Милош Гарди и Елена Фа Баришич



Школье 1. класи: Елена Фа Баришич и Магдалена Барна з учительку Татјану Деспотович и начальником Марком Баруном



Школье настави руского язика и культуры од 2. по 4. класу з учительку Наталию Гнатко

На перши дзень ёшэні, 23. септембра, школьнаго петровской школи нíзших класох мали теренску наставу. Зоз своїма учителькамі нащивели фамелійне польоприведне газдовство Сопка (ФПГ), дзе их родошнє дочекали и прывитали домашні Андэлка и Янко Сопково. У рамикох теренской настави и проекта „Еко, еко“, школьнаго научели цо то значи и на які способ екологічно пестовац овоц, бо ше ФПГ Сопка заніма першествено з екологічним пестованьем овоці. Понеже бул час оберана, школьнаго помогли оберак яблука, грушкі и бишалми, а потым и покоштовали іх сладкі, смачні смакі. И школьнаго и учителькі подзековали домашнім на преподаваню у овоцніку, як и



Петровски школьнаго од 1. по 4. класу и учителькі з власніком ФПГ-а Янком Сопка

подарovalа школьнаго прибор. Од 1. по 4. класу ведно ёст 20 школьнаго, а на наставу руского язика и культуры ходзі их 15, а подзелены су до трох групох. Петровски школьнаго висших класох тиж подзелены до трох групох, так же од 1. по 8. класу на настави руского язика ёст 29 школьнаго. Збуваня у петровской школи можеце провадзиц на facebook PŠ Petrovci.

Наталия Гнатко

„ЕКО, ЕКО“

на овоці котру од домашніх достали на дарунок.

У рамикох проекта „Еко, еко“, 30. септемба, школьнаго и учителькі петровской школи нащивели малу виніцу пана Йосипа Абрамовича у Петровцох. Гоч то по поверхносцы нівелька виніца, школьнаго випатрала барз велька, бо у ней, окрем веліх файтох грозда, видзели же ёст и велі овоцово древка, на котрих ёст и велько овоці. Домашні школьнаго потолковал и указал як ше роби коло лози и наглашал же за работу у виніци треба велько часу, сцерпення и робиц з любову. На одходзе, домашні ПШ Петровци подаровал сок з з яблукох без конзервансу у картонскай амбалажі.



Петровски школьнаго од 1. по 4. класу з паном Йосипом Абрамовичем у виніци

BROJ
ЧИСЛО 99
ГОДИНА
РОК 2021.

„VJENČIĆ“

Izdavač: Savez Rusina RH
<http://www.savezrusina.hr>
vjencic1@gmail.com
Facebook: Savez Rusina RH Vukovar
Za nakladnika: Dubravka Rašljanin
Uredništvo: Vukovar, Vijeća Europe 93
Tel./ fax: 032 428-342
IBAN HR1623400091110057465
Tisak: Certis d.o.o. Černa
Naklada: 400 primjeraka

„ВЕНЧИК“

Видава: Союз Русинох РГ
За видавателя: Дубравка Рашлянин
<http://www.savezrusina.hr>
vjencic1@gmail.com
Фейсбук: Savez Rusina RH Vukovar
Редакция: Вуковар, Ради Европи 93
Тел./ факс. 032 428-342
ИБАН HR1623400091110057465
Друкје: Цертис д.о.о Џерна
Тираж: 400 прикладніки

Tiskano – Друковане

12 / 2021

Cijena 5 Kuna
Цена Куни

Rukopisi se ne vraćaju.
Рукописи ше не врачају.

IMPRESUM

Уредништво: Vera Pavlović (главна и одговорна уредница), Ahnetka Blatinac, Ljubica Harhaj, Manuela Dudaš, Lesya Mudri i Vladimir Prović.

Savjet uredništva: dr. sc. Oksana Timko Đitko (предсједница), Marijana Džudžar, vl. Vladimir Sedlak

Lektori: Marija Vulić (русinski jezik), Andreja Magoč (hrvatski jezik).

Tiskanje potpomaže Savjet za nacionalne manjine Republike Hrvatske.

Naklada: 400 primjeraka

SADRŽAJ - ЗМИСТ

ОЗНОВА У ШКОЛИ.....	2
„ЕКО, ЕКО“.....	2
БАСНИ.....	4
КРАЧУНСКЕ ПРЕДПОЛАДЊЕ.....	8
ДНЈИ ХЛЄБА.....	10
ДЗЕНЬ КРАВАТИ.....	11
ДЗЕНЬ ЯБЛУКОХ.....	11
»МАМО, ЧИ ТИ ЗНАШ?«.....	12
ВУКОВАР, ТО МИ!.....	12
СТАРИ АВТО, ГА, ГА, ГА, СПАСИТЕЛЬ РОДЗЕНИ....	13
ЯКА РАДОСЦ, ЯКИ РАЙ, ИДЗЕ СВЯТИ МИКОЛАЙ....	14
ПРЕСЛАВА СВ. МИКОЛАЯ У ПЕТРОВЦОХ.....	14
ОТРИМАНИ 9. ПЕРШИ АПЛАУЗ У ВУКОВАРЕ.....	16
СМАЧНА ЄШЕНЬ.....	19
ФЕСТИВАЛ ДЗЕЦИНСКЕЙ КНЇЖКИ.....	20
ВІЛІСТ ДО КИНА.....	21
4. МЕСТО У ВУКОВАРСКО-СРИМСКЕЙ ЖУПАНИЇ.....	21
ЖИМСКА РАДОСЦ.....	22
ЧУДЕСНИ ШВЕТ.....	23
ЗАБАВНИ БОКИ.....	24

Насловни бок: Ивана Бики - Весела жима

Остатнї : Ивана Бики - Порихтани за Нови рок

Редакция: Вера Павлович (главна и одвичательна редакторка), Агнетка Балтинац, Мануела Дудаш, Любица Гаргай, Леся Мудри и Владимир Провчи

Совит редакций: д.н.ф. Оксана Тимко Ђитко (предсједателька), Маријана Џудужар, о. Владимир Седлак

Лекторе: Мария Вулич (русски язык), Андрея Магоч (горватски язык).

Друковане помага Совет за национални меншини Републики Горватской.

Тираж: 400 прикладніки



БАСНИ

Басни то кратки приповедки у хторих главну улогу маю животині. У тих приповедкох животині маю людски прикмети, а представляю розлични харектиристики и типи людзох. Найчастейше животині маю шлідуюци прикмети: лішка мудра и лукава, лев тиран и владар, заяц наївни, брамушка вредна итд.

У баснох ше можу споминац и людзе, рошліни, ствари и зявеня. Пистель зоз написаним словом жада послац поручене и указац на даедни людски прикмети през подобу жи-

вотині як добри и вше прилаплюоци, або на гевти хтори нежадані. Барз часто негативни прикмети описаны зоз подшміхом, як цо глупосц, себичносц, лакомосц, зависц...

Як найстарши писатель баснох споміна ше Езоп, за хторого ше предпоставя же жил у 6. столітию пред Христом. Його басни ше усно преношели з генерацій на генерацію, а дума ше же написал 426 басні.

Медзи Руснацами найпознатніши баснописатель то Штефан Чакан.

Порихтала Лю. Гаргай

ГОЛУБ И ЛАСТОВКА

Припатрал ше голуб з голубніка на ластовково гніздо под стреху и кед ластовка прилецела гу ластовчатом, озвал ше гу ней;

— Вельо на це, и твою пару, полне гніздо ластовчатох, а лем з мушками их кармице. Ми маме двойко, а и то зна буц вельо. Досц и едно на кармене. А и гніздо ци не вельке.

— Замерковали зме, голубе, же кед ластовчата вельо у гніздзе, же маю вецей места. Гу тому, як видзиш, прето же их ест вельо, чуваю чисте гніздо, так же накадзи повилетую, можеме до ешені вилягнуц ище юдни ластовчата. Двойм

би у гніздзе було допито. И кед би було лем єдно, од допитосци би нам гніздо розпрастло. Голуб ше дакус задумал и лем тельо одвітовал:

— Розумим це, ластовко, лем ми не розумліве як то твою ластовчата маю вецей места у гніздзе кед их ест вельо?

Випатра же тово добрим сущедом остало непотолковане ані до тераз.

Штефан Чакан

ГАВРАН И ВОВКИ

Рубали вовки дражку у грубим шнігу и преходзели верх високого брега, а жимни витор им засиповал шліду. На осаменим древе діргонел гавран коло котрого преходзел чупор вовкох. Кед остатні вовк преходзел коло древа, понагляючи за дружтвом, гавран ше озвал:

— Цо вас, вовкох, наганя през жиму же бисце у такей злоги ишли вше у чупоре? Кальо знам, през лето жиеце кожди на окремки...

Понагляючи за чупором, вовк ше лем дакус огляднул и доруцел гавранови:

— Глад, глад, чарни гавране!

Штефан Чакан

BASNE

Basne su kratke pripovijetke u kojima glavnu ulogu imaju životinje. U tim pripovijetkama životinje posjeduju ljudske osobine, a predstavljaju različite karakteristike i vrste ljudi. Najčešće životinje imaju sljedeće osobine: lisica je mudra i lukava, lav tiranin i vladar, zec je naivan, mrv vredan itd.

U basnama se spominju ljudi, raslinje, stvari i pojave. Pisac s napisanim riječima želi poslati poruku i ukazati na pojedine ljudske osobine kroz

lik životinje kao dobre i uvijek prihvatljive, ili na one koje su nepoželjne. Jako su često negativne osobine opisane s podsmijehom, kao što je glupost, sebičnost, lakomost, zavist...

Kao najstariji pisac basni spominje se Ezop za kojeg se pretpostavlja da je živio u 6. stoljeću prije Krista. Njegove basne prenosile su se prepričavajući s koljena na koljeno i smatra se da je napisao 426 basni.

Među Rusinima najpoznatiji basnopisac bio je Štefan Čakan.

Priredila Lju. Harhaj

GOLUB I LASTAVICA

Promatrao golub iz golubarnika na lastavičje gnezdo pod strehom i kad je lastavica doletjela lastavićima, obratio joj se:

- Kod tebe i tvog para, puno gnezdo lastavića, a samo ih kljunom hranite. Mi imamo dvoje, a i to je ponekad puno. Dosta je i jedno za hranjenje. A ni gnezdo ti nije veliko.
- Primjetili smo, golube, kad je lastavića puno u gnezdu da imaju dosta mjesta. Pritom, kao što vidiš, iako ih ima puno, čuvaju čisto gnezdo, tako da čim izletimo, možemo do jeseni izleći još

lastavića. Dvoma bi u gnezdu bilo dosadno. I kad bi bilo samo jedno od dosade bi nam se gnezdo raspalo.

Golub se malo zamislio i samo toliko odgovorio:
- Razumijem te, lastavice, ali mi nije jasno kako to tvoji lastavići imaju više mjesta u gnezdu kad ih je tako puno?

Izgleda da je ovo dobrim susjedima ostalo neobjašnjeno do danas.

Štefan Čakan

GAVRAN I VUKOVI

Krčili vukovi stazu u grubom snijegu i prelazili vrh visokoga brega, a hladni vjetar zatrpanao im je trag. Na osamnjenom drvetu drhtao je gavran oko kojega je prolazio čopor vukova. Kad je posljednji vuk prolazio oko drveta, žureći za društвом, gavran se javio: - Što vas, vukove,

tjera da zimi u takvoj slozi uvijek idete u čopor? Koliko znam, ljeti živite svaki za sebe...

Žureći za čoprom, vuk se nakratko okrenuo i dobacio gavranu:

- Glad, glad, crni gavrane!

Štefan Čakan



ЧОМ МЕДВЕДЗ МА КРАДУЧКИ ХВОСТ

Ішце док мал нормални, длугоки хвост, стретнул медведз лішку хтора на хрибце влекла велью риби. Гварела му же их сама налапала, а поправдзе, риби дзешка украдла.

„То барз легкó“ – прешвечовала медведза.
„Досц лем у ляду на рики направоц дзиру и дриліц хвост, та ше риби згарню и зосцу го

одгрисц, та ше так влапя.“

Медведз сцел випробовац лішков совит. Була моцна жима, мраз сцискал, а медведз длugo тримал хвост у воді, покля ше на ньго не налапал ляд. Так му хвост остал замрзнути у ляду. Же би ше ошлебодзел, медведз ше барз таргал, виргал так моцно, же себе одорвал хвост. Прето тераз медведзи маю крадучки хвости.

Норвежска басна

ЛЄВ И СТАРА ЗАЯЧИЦА

У леше жил страшни лев од хторого ше шицки животіні бали, бо их таманел. Тоти хторим ше удало прэжиц борбу з нім, дагварели ше так: левові досц ёсц раз на дзень, та же би ше телью не трудзел и не ходзел на лові, жертва на хтору придзе шор, сама му ше понукнє. Лев пристал и так ёден час добре жили, покля не пришол шор на стару, лукаву заячицу. Пашла гу левові, але ше направела же є барз вистата од од чежкей драгі.

„Приходзаци гу тебе, нападнул ме другі лев і ледво сом сцекла, дзекуюци своім швидкім ногом“ – гварела му.

„Гвариш, другі лев?“ – розгнівал ше од лю-

бомори накадзи подумал же ма процывніка.

„Дзе є?“

„Там, при озеру. Младши є, моцнейши і шмелши од тебе!“

„То ішце увидзіме! Одведз ме гу ньюому!“

Лев крачал за заячицу. Кед сцігли гу озеру, нагнул ше над воду и наисце обачел ішце юного лёва. Не розумел же патри на самого себе, та ше руцел на процывніка и... задавел ше у глібокай воді.

Так дробна, мудра заячица надвладала моцнога непрыятеля, бо мудросц велью вецей вредзи як велька моц.

Індыйска басна

ГАВРАН И ЛІШКА

Гавран украднul фалат сира и шеднul на древо же би го поёдол. Чим го лішка збачела, та-кой пожадала тот такі красни закусок и почала роздумовац як би до ньго дошла.

Цалком кротко и понізно пришла гу древу и прэгварела гу гавранові: „Гей, красна птичко, любімцу богох и людзох! Яке прекрасне твойо пире и яки швицаци твойо очі и яки ци швицаци джубок! Кед и твой глас такі вец ти бизовно цар шицких птицох!“

Гавранові ше такі похвали барз попачели, та ришел зашпивац же би лішка чула його глас.

Отворел джубок, та розцагнul свой гербni : „Квар, квар!“

Медзитим сир спаднul на жем, а лішка го добре прічекала, галапліво зграбела и поёдла, а вец ше почала гавранові подшміховац: „Мнє ше сцело ёсц сира, а почім сом знала яки ши суетни, хвалела сом це и возвдзивогала!“ Поганьбени гавран одлецел далей.

Езоп

ZAŠTO MEDVJED IMA KRATAK REP

Još dok je imao normalan, dugačak rep, sreо је medvjed lisicu koja je na leđima teglila puno riba. Rekla mu je da ih je sama uhvatila, a zapravo, ribe je negdje ukrala.

«To je jako lako» - ubjedivala je medvjeda. «Potrebno je samo u lednu na rijeci napraviti rupu i

gurnuti rep, pa se ribe skupe i žele ga odgristi, pa se tako uhvate.»

Medvjed je htio isprobati lisičin savjet. Bila je jaka zima, mraz je stiskao, a medvjed je dugo držao rep u vodi, dok se na njega nije uhvatilo led. Tako mu je rep ostao smrznut u lednu. Kako bi se oslobođio, medvjed je naglo trgnuo, ritnuo tako kako, da je sebi otkinuo rep. Zato sada medvjedi imaju kratke repove.

Norveška basna

LAV I STARA ZEĆICA

U šumi je živio strašni lav koga su se sve životinje bojale jer ih je ubijao. Onima koji ju preživjeli borbu s njim, dogovorili su se ovako: lavu je dosta da jede jednom dnevno pa da se ne bi trudio i išao da lovi, žrtva na koju dođe red, sama će mu se ponuditi.

Lav je pristao i jedno je vrijeme dobro živio, dok nije došao red na lukavu, staru zećicu.

Došla je kod lava, ali pretvarala se da je jako umorna od teškog puta.

«Dolazeći k tebi, napao me je drugi lav i jedva sam mu pobjegla, zahvaljujući mojim brzim nogama» - rekla mu je.

«Kažeš, drugi lav?» - razjario se od ljubomo-

re kad je shvatio da ima protivnika. «Gdje je?»

«Tamo, kod jezera. Mlađi je, jači i smjeliji od tebe!»

«To ćemo još vidjeti! Vodi me kod njega!»

Lav je koračao za zećicom. Kad su stigli do jezera, nagnuo se nad vodu i uistinu je video još jednog lava. Nije shvatio da vidi samog sebe pa se bacio na protivnika i... zadavio se u dubokoj vodi.

Tako sitna, mudra zećica nadvladala je moćnog neprijatelja jer mudrost vrijedi više nego moć.

Indijska basna

GAVRAN I LISICA

Gavran ukrao komadić sira i sjeo na drvo kako bi ga pojeo. Čim ga je lisica spazila, odmah je poželjela taj ukusni zalogaj i počela razmišljati kako bi do njega došla.

Sasvim pitomo i ponizno prišla je drvetu i progovorila s gavranom: «Hej, lijepa ptico, ljubimcu bogova i ljudi! Kako ti je lijepo perje i kako su ti sjajne oči i kako ti sjaji kljun! Ako je i tvój glas takav, onda si ti sigurno car svih ptica!»

Gavranu su se takve pohvale jako svidjele pa je riješio zapjevati kako bi lisica čula njegov glas.

Otvorio je kljun pa razvukao nadmeno: «Kvar, kvar!»

Međutim, sir je ispaо na zemlju, a lisica ga dobro pričekala, halapljivo zgrabilo i pojela, a onda se počela podsmijavati gavranu: «Meni se jelo sira, a kako sam znala da si tašt, hvalila sam te i uzdizala!» Postiđeni gavran odletio je dalje.

Ezop



КРАЧУНСКЕ ПРЕДПОЛАДНЕ

На Крачун рано Агнетка перше пошла опатриц шицко гевто цо зашпивала пред тим вечар. Ооо, кельо ту було помаранчата, яблука, чоколадки! Нина Керестурцова ёй віше дала и даскельо смокви. По тим паметала нину. Ніхто други ёй то не давал. Наїсце були смачни, чамкала док их єдла и покивовала себе з главу.

— Цо там робиш?! — скрічала мац.

Агнетка злекнuto штурела цалу смокву до устох та не могла прегвариц ані слово.

— Виходз вонка з того шпайзу и ізд ше умивац и облекац, треба фриштиковац —



муштровала ю мац.

Попонагляла послухац мацер щешліва же ю не муштровала баржей.

Фриштиковало ше студзеніни. То не було даяке єдло хторе би Агнетки пребарз сма-ковало, але таки бул обичай. Вона волела цепли какако и хлебика.

По фриштику заш пошла опатрац цо шицко зашпивала. У Агнетков час, на кождэй чоколади зоз заднього боку були марки по числох од 1 по 5. Найвекша мала число 1, а найменша 5. Фабрика хтора ше волала Кандит, дала албуми до хторых ше ліпкало тоти марки, а кед ше пополнело албум, послало ше го до фабрики, а вони назад послали вееельки пакет чоколади. Агнетково родичи уж ёден таки „заробе-ли“ Агнетки. Тераз жадала сама назберац за други.

Поскладала чоколади по маркох, бо уж

знала числа, и чекала док тато будзе мац часу та их повиштригую и поліпкаю до албума.

Поскладала и шицки помаранчата на ёден, а яблука на други бок. Орецьки да мами та мама направи колача, а до динарчкох ше ище не розумела, та и их да мами.

Кед Агнетка була мала за Крачун ше не куповало бависка. Давало ше лем чоколади, помаранчата, яблука, орешка и динари.

Подумали бизме же то були худобни часи, але дзеци були щешліви, радовали ше кождэй чоколадки и кождому помаранчечу. Кед у погачикох хтори ше пекло за Вілію нашли динарчок, були таки радосни як кед би нашли цале богатство швета! То бул лем їх динарчок, гевтот хтори мали право затримац. Шицко друге ше дзелело лёбо давало до обисца на хасен шицким. Але, кед першираз задзвонело, мац на-казала Агнетки най ше рихта до церкви. Пооблекала ше як найлепшне знала, а мац ище пооправяла цо требало и кед дру-



гираз задзвонело, дала мацери ручку та ведно рушели до Служби Божей.

Шніг зоз дражки бул одруццани и наруца-ни так нависоко коло дражки же Агнетка не видзела на други бок улічки. Правда, наспрам мами, вона була мала. Радосно



подскаковала коло мацери, а на разуме ёй було лем кельо велью „заробела“ на Віллю.

– Нагей мамо же зме вчера вечар велью заробели – почала Агнетка розгварку о тим цо ю найбаржей цикавело.

– Гей, гей – гуторела мац.

– А даме дакус и баби?

– Ша вера же даме. Кажды дзень начнеме єдно помаранче и подзеліме на нас штворо. Так длugo будзеш мац помаранчата, а шицки ше дакус засмача – мац ю учела як треба дзеліц з другима тото цо ше ма, а трошиц шпоровно же бы длужей тирвало.

– А и чоколади мушим дзеліц на шицких?

– Агнетку трапело тото питане бо помаранчата якошник и кед подзелі, не хиба,

але чоколади, то бы уж волела кед бы ёй остало вецей.

– Шицко треба дзеліц на єднакі часци,

але можебуц дахто не зосце та вец остане

тебе, – цешела ю мац – алес мушкиш подзеліц шицким.

У бешеди сцигли по церкву, а у церкви ше не щмело бешедовац, та уцихла.

Дзияк уж шпивал коляди – С нами Бог, разумите язици... – одгуковал прекрасны дзияков тенор, а людзе шпивали ведно з нім. И Агнетка зашпивала бо ю мама научела. Барз ше цешела же и вона зна исто цо и дзияк, бо дзияк бул важни чловек у церкви.

По конец Служби дакус ёй замарз и ношок, алес знала же док приду дому у хижи будзе цепло, а кед ше пойдзе бавиц за бурджак, швидко ше зогрес.

Крачун то цошка барз красне, найкрасаше цо може быць, раздумовала у себе Агнетка. Лем най ми знац дзе тот мали Ісус тераз и чи му не жимно? Опитам ше баби док пойдземе дому, вона сигурно будзе знац, киваючи з главку заключела Агнетка свой нукашні монолог.

...Зоз збирки приповедкоў за дзеци *Агнетка...*

Агнетка Балатинац



ДНІ ХЛЄБА

Дні подзекованя за плоди жемі у петровской школи означени 22. октября. Кажды школяр з дому принесол даяке слане або сладке печиво, односно ешеньски плоди з овоцніку, загради и поля, та вец то ведно з учительками поскладали на столи у школским голу. За тоту нагоду школяре настави руского язика и культуры з учительку Н. Гнатко порихтали кратшу програму. Перша класа одшпивала „Мижику, чижику“, а друга класа „Пекар“. У вишиваних фартухох школярки трецей класи одшпивали „Кухарку“, а школяре штвартей класи одрецитовали писню „Хлеб“. Потим петровски парох о. Владимир Седлак благословел порихтане ёдло, а вец шлідзело коштоване кифлочки, погачикох, колачикох и овоци.



Петровски школяре од 1. по 4. класу з пекаром Даниелом Ягицом

Истого дня отримана и теренска настава, так же петровски школяре нащивели пекарню „Виктория“ у сущедних Старых Янковцох, а за превоз ше постарали родичи. У пекарні шицких сердечно дочекал власнік Даниел Ягіца, хтори указал и потолковал як ше у пекарні прави хлеб, хтори ше апарат за цо хаснүе и сцерпезліво одвитовал на велі питаня школярох. На концу пекар дал школяром порихтане цесто же би з нього сами направели кифлочки и на хвильку були „прави пекаре“, бо правели кифлочки у правей пекарні. Як



Школьяре од 1. по 4. класу означили Дні хлеба Школьяре 3. класи: Леа Бурчак, Марина Сегеди, Уна Губица, Александра



Школьяре 3. класи: Леа Бурчак, Марина Сегеди, Уна Губица, Александра Аризанович и Алана Тиркайла одшпивали писню «Кухарка»



Школьяре 2. класи: Дориян Гречешим, Андреа Иван, Филип Джуджар, Наташа Курди, Борис Шовш и Виолетта Курди одшпивали »Пекара«

дарунок же им шицко поуказовал, школяре пекарови одшпивали даскелью шпиванки, а медзи котрима була и „Пекар“ по руски. На одходзе, а за драгу, шицки од пекара достали полнєте печиво.

Наталия Гнатко

ДЗЕНЬ КРАВАТИ

Дзень кравати у петровскай школы означени 19. октября, а кожда класа го означала у своеі учальні і на свой спосаб. Даёдни ю рисовали, даёдни ю учели вязац, а даёдни и вигледовали, же бі вецей дознали о тим дню и кравати. И на наставі руского языка обробена тата тема, а школьнія дознали же скорей и Руснацы на швета ношэли вишывані кравати. Школьяр Дориян Грецешин принесол ёдну таку кравату од свойого діда Бориса Гнатковага, та ю и другі мали нагоду видзіц на годзіні.

Наталия Гнатко



Петровски школьнія од 1. по 4. класу и учительки з краватамі



Дориян Грецешин з дідову вишывану кравату



Андрея Иван з вишывану кравату діда Томислава



Краваты

ДЗЕНЬ ЯБЛУКОХ

Дзень яблукох у петровскай школы означени 20. октября. Школи яблука подаровали фамелійне польопривредне газдество Сопка и сами родичи. Школьяр 3. класи зоз свою учительку Ясминку Будзиньскую того дня були мали колачаре на наставі, та за шицкіх школьнія порихтвали смачны колачики з яблуками. А празні тацні були доказ же результат їх практичнай роботы бул за петицу.

Наталия Гнатко



Петровски школьнія означали Дзень яблукох

»МАМО, ЧИ ТИ ЗНАШ?«



Писню по руски одрецитовали школяре 4. класи Міа Фа Албертович, Мартин Седлак и Фран Крізманич

Пяток, 1. жовтня 2021. року означена 30. роцінка здогадовання на страданє цивільних жертв і бранителюх Петровцю у Оцовщинській війні. У програмі покладання венцох и паленя швичкох на валалским теметове, учаськовали и петровски школяре нїзших класох зоз своїма учителькамі, котри за тутору нагоду порихтали писнї на горватским, руским и українским языку. Писню по руски Ганчи Папандриш Гаргай »Мамо, чи ти знаш?« одрецитовали школяре 4. класи Міа, Мартин и Фран.

Наталия Гнатко

ВУКОВАР, ТО МИ!

З нагоди означования Дня здогадовання на жертві городу Вуковару, 17. новембра петровски школяре положели запалени лампаши на драгу опрез своєї школи. На годзинох учили о Отечественей війні, а „Водотурню“ як символ Вуковару, рисовало ше у рижних технікох. Рисунки були виложени на паноу у школским голу, опрез хоторого школяре 4. класи одрецитовали писню Меланії Пап „Стара хиж“.

Наталия Гнатко



Мартин Седлак и Міа Фа Албертович на означуванні Дня здогадовання (на жертві городу Вуковару)



Борис Шовш, 2. класа, Петровци



Дориян Гречешин, 2. класа, Петровци

СТАРИ АВТО

Дідов авто стари
у дворе под шопу,
дідо го барз люби
закрил го зоз поньву.

То му перши авто
цо го купел давно,
нє дал би го нїгда
та анї за злато.

На тим авту прешол
километри велї,
тераз кед острел
зоз нами го дзелї.

Вшэ кед ми придземе
до баби и дїда,
у авту шедзиме
– дідо приповеда.

Велї приповедки
од дїда зме чули,
яки прешли часи
у живоце були.

Будземе паметац
и док вирошнеме,
стари дідов авто
ми нє забудземе.

Любица Гаргай



Мария Папуга, 3. класа,
Миклошевци

STARI AUTO

Djedov auto stari
uparkiran stoji,
pokriven ponjavom
djed ga jako voli.

To je prvi auto
što ga je kupio,
ni za kakvo zlato
ne bi ga prodao.

Prošao je njime
jako puno milja,
sad ga s nama dijeli
istina je živa.

Uvijek kad dođemo
kod bake i djeda,
u autu sjedimo,
a djed pripovijeda.

Mnoge pripovijetke
od djeda smo čuli,
kakvo vrijeme bješe
kad su mladi bili.

Pamtit ćemo uvijek
i kada stasamo,
stari djedov auto
ne zaboravljam.



Антонио Бучко, 3. класа,
Миклошевци

Га, га, га

Га, га, га,
га, га, га,
шпивам я.

Ги, ги, ги,
ги, ги, ги,
шпиваш ти.

Ге, ге, ге,
ге, ге, ге,
шпиваме.

Гу, гу, гу,
гу, гу, гу,
у хору.

Любица Гаргай



Борна Бабинчак, 5. класа ,
Миклошевци

Агнетка Костелник Балатинац

СПАСИТЕЛЬ РОДЗЕНИ

Дзешка на Востоку,
Гваря людзе стари,
Зявела ше гвізда,
Розогнала хмари.

Велї ю видзели,
Велї провадзели,
Малому дітятку
Дарунки ношели.

Шицки добре знали
Спаситель родзени,
З радосцу у шерцу
На швэт принесени.

ЯКА РАДОСЦ, ЯКИ РАЙ, ИДЗЕ СВЯТИ МИКОЛАЙ

Початок децембра шицки дочекуєме з окремну радосць, а найбаржай ше радую дзеци бо приходзі святы Міколай. Уча ще писньочки і шпиванкі о Міколайові, чухаю чижмочки і чекаю дарункі. Міклошевски дзеци святого Міколая традицыйно дочекую у церкви, 5. децембра вечар, а вон их ище нігда не зневерел. И того року святы пришол з дарункамі у провадзеню своюх помагачох, малих ангелох і крампусох. Наймладши Міклошевчане за Міколая порихтали пригодну програму, а вон им подзековал, подаровал дарунки и обецкал присц і нарок.

Леся Мудри



Наймладши Міклошевчане чекаю дарунки



Пригодна програма за Міколая



Міколай дзелі дарунки міклошевским дзецом

ПРЕСЛАВА СВ. МИКОЛАЯ У ПЕТРОВЦОХ

Пондзелок, 6. децембра, преславели зме швето св. Міколая. Тото швето барз добре познате дзецом бо ше на тот дзень звичайно рихтаю пригодни дзецински програмы.

Дзекуюци донатором з нашай парохіі и того року купени пакецики, а дополненне тогорочному дарунку бул прикладнік Илустрованей Біблій за дзеци.

Пісні, краткі реферат, приповедка, стре-

тнuze з Міколайом и дзелене дарункох творели тогорочну программу котра ше одбула у нашей церкви Покрову пресв. Богородици, у Петровцох.

Думаюци на хоріх и на другі дзеци котры не могли присц, св. Міколай того року подзелел вкупно 78 пакецики.

о. Владимир Седлак



Полна церкава на швето Св. Миколая



Святи Миколай уходзи до петровскай церви
Покровы пресвятыя Богородиці



Святи Миколай



Порихтани дарунки за добри дзэци



Міколай дзелі дарунки малим Петровчаньом



Заедніцка фотографія дзеох зоз святим
Міколайем і парохом Володіміром Седлаком

ОТРИМАНИ 9. ПЕРШИ АПЛАУЗ У ВУКОВАРЕ

У организації КУД „Осиф Костелник“ Вуковар и Союзу Русинох Републики Горватской всботу, 23. октября, у Вуковаре отримана дзевята манифестация дзенцинской культурно-уметніцкай творчосци „Перши аплауз“. Манифестация отримана у Шветочней сали „Роял“ на Саймишту.

Сход учащікох почал на 15 годзин, а культурно-уметніцка програма на 16 годзин. У програми од наших дружтвах наступуле КУД „Осиф Костелник“ Вуковар, КУД „Яким Говля“ Миклошевци, КД Русинох Винковци, КУД „Яким Гарди“ Петровци, Дружтво „Руснак“ Петровци и госцующе мадярске КУД „Петефи Шандор“ Чаковци.

На самим початку програмы хлопска шпивача група КУД „Яким Гарди“ Петровци одшпивала гимну Републики Горватской и шветочную писню Руснацох у Републики Горватской.



Андрей Пап зоз Миклошевцох

Шицких госцох привітал предсідатель вуковарського Дружтва Владо Русин, а окреме Звонка Костелника, члена Совіту за національні меншини Републики Горватской, о. Владимира Седлака, пароха зоз Петровцох и о. Олега Закалюка, пароха зоз Райового Села. Тиж наглашел же му жаль же влоні тата манифестация пре пандемию не отримана, бо бізме у процівним того року мали дзешату ювілейну манифестацию, так же за ювілей мышіме причекаць іще ёден рок.



- Гимну РГ и шветочную писню Руснацох у РГ одшпивали шпиваче КУД «Яким Гарди» зоз Петровцох



Воділька Марія Закалюк и предсідатель
Дружтва Владо Русин

Перши наступуле домашні, КУД „Осиф Костелник“ зоз Вуковару. Уж велім добре позната соло шпивачка Клара Миклош одшпивала шпиванку „Преквитай, преквитай“ у провадзеню оркестру вуковарскаго Дружтва, а за наступ их порихтал водітель музичнай секції Владо Русин.

Други на сцену вишли члени КУД „Яким Говля“ зоз Миклошевцох, а представили ше у вецей точкох. Перше Андрей Пап на тамбурки одграл „Славянски танец“ Антонина Дворжака, потым шпивацки трио Ніколіна Бучко, Анастасія Ніколіч и Владимир Мишленович одшпивали два шпиванки, а на концу нам наймладши танцошце указали як ше дакеди бавело и танцовало. За наступ их порихтали Виолетта Гірйовати и Леся Мудри.

КУД „Яким Гарди“ зоз Петровцох тиж за тот наступ порихтало вецей точки. Перше Кароліна Седлак одшпивала два дзенцински шпиванки: „Ідзе жима“ и „Тика,



Дзепинска шпивацка група Дружтва Руснак
»Голубки«



Дора Грецешин и Лунафреа Тиркайла



Клара Миклош зоз Вуковару



Мартин и Каролина Седлак зоз Петровцох



Миклошевчане указали як ше дакеди бавело и танцовало



Никола Пап, Анастазия и Давид Коняревич, Мая и Норберт Надьордь и Даниела Коняревич зоз Винковцох



Николина Бучко, Владимир Мишленович и Анастасия Николич



Петровчане и «Руски народни танци»

така“, а на гармоники ю провадзел Мартин Седлак, хтори окрем того одграв и два шпиванки: „Вивирка“ и „Ти шугаю, шугаічку“. Дзецинска танечна група одтанцовала „Руски народни танци“. Музичну часць наступу порихтал о. Владимир Седлак, а танечну часць професор Звонко Костелник.

За туту нагоду члени КД Русинох зоз Вінконцох одрецитовали вецеі рецитациі і одшпивали ёдну коляду. Мая Надъордь одрецитовала писню „Студзенка“, Норберт Надъордь писню „Заячок“, а Даниела Конярэвіч писню „Качур рибар“. Шицкі писні напісал познаты рускі поэт Міхал Ковач. Давід Конярэвіч вінчаваі крачунску вінчованку „Тей ше святей ноцы“, а за конец Даниела і Давід одшпивали коляду „В Віфлеемі новина“ у провадзенiu Ніколі Папа і Анастазіі Конярэвіч, хтора их і порыхтала за тот наступ.

Шлідуюце наступело Дружтво „Руснак“ зоз Петровго. Дзівчатка предшколскаго возросту Дора Грецешин і Лунафреа Тиркайла, хторым то бул і перши явны наступ, одшпивали шпиванку „Мой брат Мірон“. Дзецинска шпивацка група Голубкі одшпивала три народны шпиванкі: „По варошу дражичка“, „Конік“ і „Зламала ше кормань-деска“. Дзецы увежбала Наталя Гнатко, а матрицы порыхтал Да-ніел Служек.



Венчик мадярских танцаў у выглядзе КУД „Петефи Шандор“ зоз Чаковцах



Шветочна атмосфера дзецинскай манифестаціі

На самім концу наступели госьці зоз Чаковцах, мадярске КУД „Петефи Шандор“. Вони ше представілі зоз венчиком мадярских танцаў у провадзенiu власнага оркестру, а водітелька танечнай секцыі Меліта Ловасіч.

Програму двоязично, по рускі і горват-ски, водзела Марія Закалюк.

Манифестація і того року отримана зоз фінансайну потримовку Совету за нацыоналны меншини Рэспублікі Горват-скай і Гораду Вуковару.

Тогорочні „Перши аплауз“ бул барз удачны, а закончел зоз вечера за шицкіх учащ-нікох програмі.

Любіца Гаргай



Шицкі учашнікі 9. Першага аплаузу

СМАЧНА ЄШЕНЬ

Єшень ше з правом трима за найбогатшу рочну часц. Праве ше прето у октобру означаю Дзень подзекованя за плоди жемі, Дзень хлеба, Дзень яблукох и Дзень ёдла. Таки пригодни дні школяре окреме любя бо теды маю нагоду у школи научиц дацо смачне увариц чи упечиц. У малей кухнї у ПШ Миклошевци ше и варело и пекло. Наймладши Миклошевчане на годзинох руского язика и культуры зоз презентацию «Од зарна по хлеб» поровновали як ше робело у прешлосци и нешка, а потым и сами упекли свой хлебник. И шицки ше зложели же власни хлеб найсмачнейши.



За полудзенок нешка маме пражени кромплі з вайцом и гомбовци

Школьяре 5. класи правели гомбовци, а од продуктох котри остали уварели и полудзенок. Дакому можебуц випатра ёдноставно упражиц кромплі и вайцо, але даёдним то було ридка нагода робиц дацо у кухнї, та школьяре були барз задовольни зоз результатам. Школьяре седмей класи уж вецей раз доказала свойо схопносци у кухнї, а тераз себе вжали неёдноставни задаток – рейтеші на квасу зоз маком и орехами.

Леся Мудри



Печеме хлеб



Мишиц цесто за рейтеші на квасу треба длugo



Рйтеші на квасу ше удали

ФЕСТИВАЛ ДЗЕЦИНСКЕЙ КНІЖКИ

Треци фестивал дзецинскай кніжкі Вукоўарско-сримскай жупаніі отримані 23. и 24. септембра у организацыі Городской библиотеки и читальні Вінковцы. Фестивал отримані у Вінковцах, а перши раз часц актывносцю збувала ше и у ёднай школы, а тога року тата чесц припадла Основнай школы Чаковцы.

Другого дня фестивалу, 24. септембра, писателе и иллюстраторе Ванда Чизмек, Давор Шунк, Владимир Бакарич и Дубравко Матакович нащывели ОШ Чаковцы. Зоз пригодным словом директорка школы Марина Балич привитала гостям и представила школски активносцы и проекти

читаня и побудованя читаня. Школьяре порыхтали кратку культурно-уметніцку программу у хторей ше гостям представили през шпіванку, танец и красне слово. Потым ше представили и сами гости, а школьяре мали за ўсіх вельо питаня. Стрэнуце прешло у интересантним и забавним духу. На концу дружения шыцких привітал и прочалнік за младых и демографию Марио Мештрович и подаровал вредны дарунки школскай библиотеки. Ані гости не остали без дарунках, бо ше за ўсіх остарали школски задругаре.

Леся Мудри



Зоз руску шпіванку ше представілі Іва Чордаш, Владимир Мишленович и Ніколіна Бучко



Малі школски хор



Представа Мексицкі калап, школьніе 5. класі

ВИЛЕТ ДО КИНА

Дружтво Нашо дзеци Миклошевци кождого року за своїх членох организує ёднодњови вилет – дружене дзецах и родичох. Того року то бул недзельови матине у кину Синестар у Вуковаре, котри отримани 7. новембра, а дзеца и родичи могли опатриц анимирани фильм “100% вовк”. Забавни фильм о правим приятельству, одвичательносци и шмелосци малих животињох попачел ше и младшим и старшим. Нажаль, пре нэвигодну хвилю дальше заплановане дружене у парку на Адици предложене за други раз. Без огляду на тото, и дзеца и родичи були задовольни, и дому ше врацели полни новых дожицох. Вилет финансавала Општина Томповци.

Леся Мудри



Пуканки и сок – порихтани зме за фильм!

4. МЕСТО У ВУКОВАРСКО-СРИМСКЕЙ ЖУПАНИЈ

Школьяре Основнай школи Чаковци члени школскай екипи з бадмintonу Йосип Маринич, Мато Гарванович, Еди Кубичек и Владимир Мишленович под руководзеньем наставніцы Любици Глушац Лукич, представляли свою школу на Жупанийским школским змаганю з бадмintonу 26. октября у Винковцох. Школьяре указали вельку борбеносц и спортски дух, и завжали почесне штварте место.

Леся Мудри



Жупанийске школске змагане у бадмintonу



Школска екипа у бадмintonу з водительку

ЖИМСКА РАДОСЦ

Zimska radost

Микола М. Кочиш
Mikola M. Kočiš

Гайд' на ричку, на шліщанки!
Порихтайце легки санки!
Шнїг ше з хмарох рої,
хмари чарни, буря виє...
Коло пеца най ше скриє
хто ше од ней бої!

Берце санки и корчолі!
Прелециме ягод кулї
прейг шнїгу и ляду.
Діда з шнїгу направиме
и з метлу го охабиме
най чува заграду.



Hajd' na rijeku, na klizalište!
Pripremite sanjke lake!
Snijeg iz oblaka sipi,
oblake crne, bura vije...
Kraj peći nek se skrije
tko boji se zime!

Uzimajte sanjke i klizaljke!
Poletjet ćemo kao kugle
preko snijega i leda.
Sneška ćemo napraviti
i s metlom ga ostaviti
neka bašču čuva.



Гайд' на ричку, на шліщанки!
Зашпивайме колісанки
tim цо любя пеци;
най як баби при їх дриму!
Ми любиме билу жиму,
а и вона дзеци.

Andreja Magot, prof.



Hajd' na rijeku, na klizalište!
Zapjevajmo uspavanke
onima što vole peći;
nek ko bake kraj njih drijemaju!
Mi volimo zimu bijelu,
a i ona djecu!

Andreja Magot, prof.

ЧУДЕСНИ ШВЕТ

Наша планета наисце прекрасне створена. На неј ест даскельо верхи котри преходза 8000 метери, а то скоро пейц раз веци од нашей найвисшой гори – Динари.

Найвисша гора на швеце находзи ше у Азиј. То Гималај, а ёй найвисши верх, Монт Еверест, високи 8848 метери. На Гималај ест ище даскельо верхи котри преходза 8000 метери. Спомнуц би ище познати верх К2, котри тиж так часц Гималај и зоз свою висину од 8611 метери, споза Монт Евересету, други найвисши верх на швеце. За К2 гваря же то једна з найчежжих и найопаснейших горах за алпинистох, а наволую ю ище и „дзива гора“.

У Јужнай Америки находзи ше познати верх Аконкагуа. Його висина 6961 метер, а находзи ше у горским ланцу Анди, у Аргентини.

У Африки найвисша гора Килиманджаро и находзи ше у держави Танзаниј, недалеко од граніци зоз Кениј. Найвисши верх тей гори то Кибо, а високи є 5895 метери.

У Европи мame нїзши гори. Найвисши верх у Европи то Елбрус, а находзи ше у горским масиву Кавказ, котри твори природну граніцу медзи Европу и Азиј. Елбрус високи 5642 метери. Други найвисши верх у Европи находзи ше у Алпох и змесцени є медзи Италию и Французку. То барз познати верх Монт Бланк и високи є 4810 метери.

Спомнуц би ище цикави Юлийски Алпи у Словенії и їх найвисши верх Триглав, зоз своїма 2864 метерами.

У Горватской найвисша гора Динара и верх Синял, хтори високи 1831 метери. Медзитим, то неј найвисши верх Динари. Найвисши верх Динари находзи ше у Босни и Герцеговини, и то Троглав, хтори ма 1913 метери.

Мануела Дудаш
(жридло: интернет)




Монт Еверест на Гималај, 8848 метери



Синял на Динари, 1831 метери

ЗАБАВНИ БОКИ



Найдз виход зоз
лавиринтох!



Найдз 7 розлики!



Андрей Хома, 2. класа,
Миклошевци



Лука Мудри, 1. класа,
Миклошевци

Найдз 10 розлики!



Андрей Пап, 7. класа,
Миклошевци



Даниел Бабинчак, 7. класа,
Миклошевци



Владимир Мишленович, 7. класа, Миклошевци



Николина Бучко, 5. класа, Миклошевци



РИШЕНЕ: _____



РИШЕНЕ: _____



РИШЕНЕ: _____

ХЛЄБ

Хлеб ше прави зоз цеста. Єдза го шицки людзе. Любим и домашній хлеб и хлеб зоз пекарні. Дні хлєба означуєме и у нашей школи. Теди з дому принесеме кифлочки, переци и погачики, та цала школа пахнє на хлеб.

Александра

**Аризанович, 3. класа,
Петровци**

ХЛЄБ

Хлеб ше прави з муки, а мука ше мелє зоз жита. З муки ше ище можу направиц кифли, бухти, переци... Хлеб може буц чарни, били и зоз сезамом. Може ше правиц и печиц и у пекарні, а може и дома.

**Марина Сегеди, 3. класа,
Петровци**

ДНІ ХЛЄБА

Дні хлеба ше означаю у октобру. Я найволім мацеров домашній бананов хлеб. У пекарні ест велько хлеба. Вон важни за живот. Прави ше зоз цеста. Я барз любим єсц хлеб.

**Аланы Тиркайла, 3. класа,
Петровци**

ХЛЄБ

Хлеб настал зоз муки, а мука зоз жита. Вон може буц и били и чарни. Даҳто го купуе у пекарні, а даҳто сам пиче дома. Зоз муки ше ище може направиц кифли, переци и варгочи. Шицки людзе єдза хлеб. Дні хлеба означуєме у октобру.

**Уна Губица, 3. класа,
Петровци**

ДЗЕНЬ ХЛЄБА

У школи віше означуєме дзень хлеба. До школи приношиме шицко цо ше пиче зоз цеста. Я принесла кифлочки. Були зме и у пекарні у Старых Янковцох и видзели зме цо шицко треба же би ше упекол хлеб. Любим єсц хлеб. Баби помогам кед пиче белюша.

**Леа Бурчак, 3. класа,
Петровци**

Школа пліўваня

З пайташами з класи ходзела сом до школи пліўваня. Першэ зме віше мали два годзини у школі, а веց зме на автобусу ишли на базени. Віше нас провадзела ёдна учителька хтора нас учи у школи. Научела сом пліўвац и бало ми крашнене.

**Міа Фа Албертовіч, 4.
класа, Петровци**

Кирбай у Петровцох

Кирбай у Петровцох бул внедзелю, 3. 10. 2021. року. Приріхтоваи зме ше за чекане госцох. Пришло велько и госцох и священікох. Служба була на 11 годзин. После святочнаго полудзенку пошли зме на кирбай. Купел сом рубикову копчуку и УНО карти.

**Мартін Седлак, 4. класа,
Петровци**

О	С	И	Ф	К	О	С	Т	Е	Л	Н	И	К	В	Л	А
Г	И	А	Д	П	А	П	Я	И	Н	А	Л	Е	М	Г	Л
А	Л	Ю	Б	И	Ц	А	Г	А	Р	Г	А	Й	Н	В	Ю
Н	В	А	С	А	Н	А	Д	Р	О	Г	А	Е	О	А	Б
Ч	О	Я	В	Т	Р	А	К	Р	У	Г	Т	К	Н	Р	К
А	Е	Н	И	К	А	А	М	П	Н	К	А	Р	М	О	А
П	Р	И	О	И	А	Р	А	Е	А	Д	А	К	Е	З	Ф
А	Д	Т	В	О	С	П	Т	К	У	Б	О	Т	Л	М	А
П	Е	С	О	Е	А	А	О	Г	Р	О	Л	Я	А	А	Л
А	Л	Е	Л	Н	Б	С	Н	И	В	Р	И	Є	Н	Р	Ц
Н	Ї	Г	С	У	Т	А	М	И	Л	И	В	Л	А	И	А
Д	Н	Е	Ч	Е	Ф	И	Т	Н	Е	С	А	И	В	Я	Ц
Р	В	К	Л	Е	Н	О	Д	П	О	Ч	И	В	А	Ц	А
И	О	Н	Т	О	М	И	С	Л	А	В	М	И	Ш	И	Р
Ш	И	Ш	В	И	Н	Я	Н	А	В	О	К	Ц	А	Р	Б
К	И	З	Р	Я	К	И	М	П	У	Ш	К	А	Ш	А	К

АГНЕТА БУЧКО
АГНЕТКА КОСТЕЛНИК
АКОВ
БАРА
БОРИС
БРАЦА
БРАЦКОВАНИЯ
ВЕСНА ПАПУГА
ВИТОМИР
ГАНЧА ПАПАНДРИШ
ГЛАВКА
ГУРКА
ГЕСТИНЯ
ГОРДАНА
ЗВОНИМИР БАРНА
КАША
ЛЮБИЦА ГАРГАЙ

ЛЮБКА ФАЛЦ
МЕЛАНА ВАШАШ
МЕЛАНИЯ ПАП
ОДПОЧИВАЦ
ОЛИВА
ОСИФ КОСТЕЛНИК
РОЗМАРИЯ
РОЛЯ
СИЛВО ЕРДЕЛІ
СЛОВО
ТОМИСЛАВ МИШИР
ФИТНЕС
ШТЕФАН ГУДАК
ЦИВИЛЕ
ЮСТА
ЯКИМ ПУШКАШ
ЯНИ

Кед найдзеце задани поняца, достанеце назву нашого писателя, новинара и роботніка у култури.


Ришене: Владимир Костелник

Даскельо интересантносци о чоколади:

- Медзинародни дзень чоколади преславює ше 13. септембра кед родзени дзень Милтона Хершия, снователя найвекшай фабрики чоколади на швеце, народзеного 1857. року.
- Найвецей чоколади продукую ў Белгії, Швицарскай и Зединеных Амерыцких Державох.
- Кед ше кожды дзень ёсць цма чоколада, ризик од хоротох шерца ше зменшуе за трецину.
- Била чоколада уствары не чоколада бо у себе не ма ані какаа, ані какаваго сирупу.
- Науковцы препоручую же би ше после вежбаня пило чоколадне млечко.
- Под час войни за независисноць, амерыцкі воякі були плацены зоз чоколаду.
- Вигледованы зоз 2004. року указую же 70% людзох порихтане зачерац свою лозинку за чоколадку.
- Бриселски аэродром найвекши предавач чоколади на швеце. Тамтейши предавальні предаю вецей як 800 тонн чоколади рочно.
- Белгійски крадош украднул діяманті у вредосци од 28 мільёни долари. Чуварово довирие достал так же го скорей крадзи кожды дзень понукал зоз чоколаду.
- Индустрія чоколади рочніе заробі 110 мільярди амерыцкі долари.
- Чоколада 90% свойств історій служела за піце, а лем остатніх 10% часу як лакотка.
- Жителе Зединеных Амерыцких Державох за швего святога Валентіна купя тельо чоколади же то твори 5% од преданей чоколади през цали рок.



Порихтала Лю. Г.



1. Двацец осма буква рускай азбуки
2. По горватскі меню
3. Найзначнейши памятнік зоз рымскіх часох у Пули
4. Славны рускі колачі хторы ше цагаю
5. Продуковац
6. Птичка наших крайох
7. Орган виду
8. Австрыя

К	Д	Р	А	Б	И	Н	А
З	А	К	С	Е	Д	Ц	К
Б	К	У	Р	Д	И	Р	Ч
У	В	О	Л	Р	А	О	О
Щ	А	Ї	І	С	Д	Л	Л
О	Л	М	К	А	А	Я	М
К	П	И	Щ	А	Л	К	А
А	К	Ш	Е	Р	А	В	Ш

- 1) ВАРЕШКА
- 2) ДРАБИНА
- 3) ДЕСКА
- 4) ДРУК
- 5) ЗБУЩОК
- 7) ЛАДА
- 8) МИРИЦА
- 9) ПИЦАЛКА
- 10) РОЛЯ
- 11) ШАМЛОЧКА
- 6) ЛАВКА

Кед найдзеце тоти ёденац поняца направени зоз древа, достанеце ище ёдно.

еякіюю :энэпія
Лю. Гаргай

У шывых польох: ёден млечны продукт
Піннен: піннен:Арена:дептепін:біндағы:піннен:
Лю. Гаргай



Александра Аризанович, 3. класа, Петровци



Андреа Иван, 2. класа, Петровци



Доријан Грецешић, 2. класа,
Петровци



Леа Бурчак, 3. класа, Петровци



Елени Недич, 5. класа, Вуковар




Филип Џуджар, 2. класа,
Петровци



Габриел Редл, 6. класа, Вуковар



Лаура Сабадош, 4. класа,
Вуковар



Фран Кризманић, 4. класа, Петровци



Елена Фа Баришић, 1. класа, Петровци



Лейла Ковачич, 3. класа,
Вуковар



Магдалена Барна, 1. класа,
Петровци




Марина Сегеди, 3. класа,
Петровци



Миа Фа Албертович, 4. класа,
Петровци



Матео Сабадош, 1. класа, Вуковар



Милош Гарди, 1. класа,
Петровци



Наташа Курди, 2. класа,
Петровци



Уна Ѓубица, 3. класа, Петровци



Теа Југас, 2. класа,
Вуковар

